

სახელმწიფო შესყიდვების შესახებ
ხელშეკრულება # 151

1. ბათუმი

23 ივნისი 2017 წ.

ერთის მხრივ ხელვაჩაურის მუნიციპალიტეტი (შემდგომში „შემსყიდველი“) წარმოდგენილი გამგებლის ნადიმ ვარშანიძის სახით და მეორეს მხრივ, ა(ა)იპ „ანიმაციების განვითარების ფონდი“ (შემდგომში „მიმწოდებელი“), წარმოდგენილი დირექტორის ზურაბ დიასამიძის სახით, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს #13 ბრძანების მე-3 მუხლის პირველი პუნქტის „ა“ ქვეპუნქტის საფუძველზე, დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანს წარმოადგენს ანიმაციური ფილმების ფესტივალი „ექო-თოფუზი 2017“-ში მონაწილეობა. (CPV კოდი 79900000, SMP170001540).

2. ხელშეკრულების ღირებულება

2.1. ხელშეკრულების ჯამური ღირებულება შეადგენს 500 (ხუთასი) ლარს.

2.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების გაწევასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

3. ანგარიშსწორების ფორმა და ვადები

3.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

3.2. ანგარიშსწორება განხორციელდება ხელშეკრულებით გათვალისწინებული ფაქტიურად გაწეული მომსახურების შესაბამისი მიღება-ჩაბარების აქტის და საანგარიშსწორებო დოკუმენტაციის წარმოდგენის შემდეგ 10 (ათი) საბანკო დღის განმავლობაში.

4. მიღება-ჩაბარების წესი

4.1 მომსახურების გაწევის ვადაა 2017 წლის 30 ივნისის ჩათვლით (ერთ-ერთ შერჩეულ დღეს).

4.2 მომსახურება ან მისი ნაწილი შესრულებულად ჩაითვლება შესაბამისი მიღება-ჩაბარების-აქტის გაფორმების შემდეგ.

4.3 მიღება-ჩაბარებას ახორციელებენ სათანადოდ უფლებამოსილი პირები, რომლებიც აფორმებენ შესაბამის აქტს.

4.4 მიღება-ჩაბარების აქტის საფუძველზე შემსყიდველი ახდენს ანგარიშსწორებას მიმწოდებლისაგან შესრულებულ სამუშაოზე.

4.5 მომსახურება ან მისი ნაწილის მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

4.6 შემსყიდველი ვალდებულია ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები, წუნდების მიზეზის მითითებით.

5. მხარეთა უფლება-მოვალეობანი

5.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) უზრუნველყოს მიმწოდებლის მიერ გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

5.2. შემსყიდველი ვალდებულია:

ა) უზრუნველყოს ხელვაჩაურის მუნიციპალიტეტში ანიმაციური ფილმების ფესტივალი „ექო-თოფუზი 2017“-ის ჩატარება;

5.3. მიმწოდებელი უფლებამოსილია:



ა) მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6. ხელშეკრულებით ნაკისრი ვალდებულებების შესრულების ინსპექტირება

6.1. ხელშეკრულებით ნაკისრი ვალდებულებების შესრულების კონტროლს განახორციელებს ხელვაჩაურის მუნიციპალიტეტის კულტურის, განათლების, სპორტის, ტურიზმის, ძეგლთა დაცვისა და ახალგაზრდულ საქმეთა სამსახური.

6.2. ინსპექტირება გულისხმობს მიმწოდებლის მიერ ხელშეკრულების პირობების შესრულების ხარისხის კონტროლს.

6.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

7. პირგასამტეხლო ხელშეკრულების პირობების შეუსრულებლობისათვის

7.1. ხელშეკრულებით ნაკისრი ვალდებულებების პირობების შეუსრულებლობის ან/და ხელშეკრულებით გათვალისწინებული პირობების დარღვევისათვის ასევე ხელშეკრულებით აღებული ვალდებულებებზე უარის თქმის შემთხვევაში, რაც გამოიწვევს ხელშეკრულების დროზე ადრე შეწყვეტას "მიმწოდებელს" ეკისრება ჯარიმა ხელშეკრულების ჯამური ღირებულების 10 (ათი) პროცენტის ოდენობით.

7.2 ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,5%-ის ოდენობით.

7.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

7.4 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8. ხელშეკრულებაში ცვლილების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.5. მხარე ვალდებულია 8.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.



9.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

9.3 მხარეთა პასუხისმგებლობა და ვალდებულებები განახლება დაუძლეველი ძალის მოქმედების დასრულებისთანავე.

10. დავები და მათი გადაწყვეტის წესი

10.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

11.1 ხელშეკრულება ძალაში შედის ხელმოწერის დღიდან და მოქმედებს 2017 წლის 30 ივლისის ჩათვლით.

13. მხარეთა იურიდიული მისამართები და რეკვიზიტები

~Semsyidveli~

xelvaCauris municipaliteti
მის: ქ.ბათუმი, დიდაჭარის ქ.#23
tel: (+995) (222) 5-93-13, 5-93-27.
sabanko rekvizitebi:
s.s. "liberTi bankis~ xelvaCauris filiali,
s.k. 248428385
b/k: LBRTGE22
ა/ა #GE88LB0120166231817002

გამგებელი

ნ. ვარშანიძე

(xelmowera)

~mimwodebeli~

ა(ა)იპ „ანიმაციების განვითარების ფონდი“
მის: ქ. თბილისი, ჭავჭავაძის გამზ. 19-31
ს/კ 205230196
sabanko rekvizitebi:
ს.ს "საქართველოს ბანკი"
ბ/კ: BAGAGE22
ang. # GE57BG0000000307967800

დირექტორი

ზურაბ დიასამიძე

(xelmowera)



საქართველოს ინტელექტუალური საკუთრების ეროვნული ცენტრი
ს ა ქ ვ ა ტ ე ნ ტ ი

დეკონსერვაციის დამატარებელი
მ რ ც მ რ ბ ა

6885

განმცხადებელი:

ს(ა)იპ "ანიმაციის განვითარების ფონდი" 205230196

ნაწარმოები:

ექო თოფუზი - ანიმაციური ფილმების ფესტივალის სცენარი

ნაწარმოების კატეგორია:

სცენარი

დეკონსერვებულია:

09.03.2017

ნიკოლოზ გოგილიძე

თავმჯდომარე

17.03.2017

ანიმაციის განვითარების ფონდი / Animation Development Fund
0179 თბილისი, ჭავჭავაძის გამზ. 19-31
0179 Tbilisi, Chavchavadze Ave. 19-31
(995 32) 2 93 33 16
adf_fund@yahoo.com



ანიმაციური ფილმების ფესტივალი "ექო-თოფუზი 2017"
ხელვაჩაური

მომსახურების დასახელება	ფასი	რაოდენობა	ჯამი
საორგანიზაციო ჯგუფის დაბინავებასთან დაკავშირებული ხარჯი	200	1	200
საორგანიზაციო ჯგუფის მგზავრობასთან დაკავშირებული ხარჯი	300	1	300
ჯამი			500

„ანიმაციის განვითარების ფონდი“-ს დირექტორი:

ზურაბ დიასამიძე



სახელმწიფო შესყიდვების
სააგენტოს თავმჯდომარის
გ ა ნ კ ა რ გ უ ლ ე ბ ა



KA080192249484017

1766

20 / ივნისი / 2017 წ.

ხელვაჩაურის მუნიციპალიტეტის გამგეობისთვის სახელმწიფო შესყიდვის
გამარტივებული შესყიდვით განხორციელების შესახებ თანხმობის გაცემის
თაობაზე

აღწერილობითი ნაწილი

1. ინფორმაცია მომართვის თაობაზე

სახელმწიფო შესყიდვების სააგენტოში 2017 წლის 16 ივნისს სახელმწიფო შესყიდვების ერთიანი ელექტრონული სისტემის SMP მოდულის მეშვეობით წარმოდგენილ იქნა ხელვაჩაურის მუნიციპალიტეტის გამგეობის SMP170001540 მომართვა ექსკლუზიური უფლებამოსილების საფუძვლით გამარტივებული შესყიდვის განხორციელებაზე თანხმობის გაცემის შესახებ.

2. შესყიდვის ობიექტი და მისი ღირებულება

მომართვის მიხედვით, შესყიდვის ობიექტია, ანიმაციური ფილმების ფესტივალის ჩატარების მომსახურებების (CPV-79900000 - სხვადასხვა კომერციული მომსახურება და მასთან დაკავშირებული მომსახურებები) შესყიდვა, ღირებულებით - 500 ლარი.

3. შემსყიდველი ორგანიზაციის დასაბუთება

შემსყიდველი ორგანიზაციის განმარტებით, ააიპ „ანიმაციის განვითარების ფონდი“ უკვე მრავალი წელია ატარებს ანიმაციური ფილმების ფესტივალს საქართველოს სხვადასხვა რეგიონებში. ასწავლის ახალგაზრდა თაობას ანიმაციური პროდუქტის შექმნას. შემდგომ ფონდი განიხილავს სხვადასხვა რეგიონების ბავშვების მიერ შექმნილ ანიმაციებს და შემოდგომაზე იმართება დასკვნითი ტური, სადაც განიხილება შედეგები და გამოცხადდება გამარჯვებული. აღსანიშნავია, რომ ანიმაციური ფესტივალის სცენარზე ექსკლუზიური უფლებამოსილება გააჩნია მხოლოდ ააიპ „ანიმაციის განვითარების ფონდს“, რაც დასტურდება საქპატენტის მიერ გაცემული დეკლარაციის დამადასტურებელი მოწმობით № 6885. აღნიშნულიდან გამომდინარე, მის გარდა არ არსებობს სხვა პირი, რომელიც შეძლებს შემსყიდველი ორგანიზაციისათვის შესასყიდი მომსახურებების გაწევას.

4. დაინტერესებული პირ(ებ)ის მოსაზრება

საკითხთან დაკავშირებით დაინტერესებულ პირებს სისტემის SMP მოდულში მოსაზრება არ გამოუხატავთ.

სამოტივაციო ნაწილი

5. შემჯამებელი დასკვნა

სააგენტომ იმსჯელა შემსყიდველი ორგანიზაციის მომართვაზე, შეაფასა მასში მითითებული ინფორმაცია და დაადგინა, რომ იგი აკმაყოფილებს სახელმწიფო შესყიდვების სააგენტოს თავმჯდომარის 2015 წლის 17 აგვისტოს № 13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მოთხოვნებს.

6. სააგენტოს შეფასება

სააგენტო განმარტავს, რომ მოცემულ შემთხვევაში სახეზეა ექსკლუზიური უფლებამოსილების საფუძველით გამარტივებული შესყიდვის განხორციელების შესაძლებლობა, იმდენად რამდენადაც, როგორც შემსყიდველი ორგანიზაციის მიერ წარმოდგენილი დოკუმენტაციიდან ირკვევა, ანიმაციური ფესტივალის სცენარზე ექსკლუზიური უფლებამოსილება გააჩნია მხოლოდ ააიპ „ანიმაციის განვითარების ფონდს“, რაც დასტურდება საქპატენტის მიერ გაცემული № 6885 დეპონირების დამადასტურებელი მოწმობით. შესაბამისად, მის გარდა არ არსებობს სხვა პირი, რომელიც შეძლებს შემსყიდველი ორგანიზაციისათვის შესასყიდი მომსახურებების გაწევას.

სააგენტო დამატებით აღნიშნავს, რომ მომსახურების გაწევაზე ექსკლუზიური უფლებამოსილების მქონე ორგანიზაციის შერჩევის პროცედურების წარმართვა წარმოადგენს შემსყიდველი ორგანიზაციის პასუხისმგებლობას.

ამასთან, სააგენტო მოუწოდებს შემსყიდველ ორგანიზაციას, რომ მან სახელმწიფო შესყიდვები განხორციელოს „სახელმწიფო შესყიდვების შესახებ“ საქართველოს კანონის მოთხოვნათა განუხრელი დაცვით, რათა უზრუნველყოფილ იქნას შესყიდვებისათვის განკუთვნილი ფულადი სახსრების რაციონალური და გამჭვირვალე ხარჯვა, კონკურენტული და არადისკრიმინაციული გარემოს შექმნით.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 17 აგვისტოს № 13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესის“ მე-7 მუხლის პირველი და მე-6 პუნქტებით და დაადგინა:

1. დაკმაყოფილდეს ხელვაჩაურის მუნიციპალიტეტის გამგეობის SMP170001540 მომართვა და შემსყიდველ ორგანიზაციას მიეცეს თანხმობა გამარტივებული შესყიდვების განხორციელებაზე.
2. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დ. აღმაშენებლის ხეივანი მე-12 კმ. №6), კანონმდებლობით დადგენილი წესით.

თავმჯდომარის მოვალეობის შემსრულებელი

ზაზა ნანობაშვილი